

傳之妙得果之靈證道之速

既悟藥生及採藥之真時則時真節是藥真精真便行此採真精藥之工既行採工令精隨神凝入炁穴周天烹煉薰蒸久而煉精之工足矣化炁足而得大藥成漏盡通長生不死之初果始知天仙所不輕傳有如是之妙得長生之果有如此靈驗總之百日而得長生十月而入定胎成出陽神而神通無極證道如此速所以古云成就只一二年不似淫邪旁門窮年採戰至於老病苦死而追悔不及者比

非彼世人所得知所及證也而世人之誤信邪師誑惑者可勝惜哉

道藏輯要

仙佛合宗語錄

七

畢集一

世人不修仙德而妄求仙道又不知果有真仙道之正理在而求之安得知而安及證更被邪師以仙書真道之言巧釋彼邪說詐以欺之世世人盡信其誑而不能疑絕無能改過者可惜被害而迷失仙道且喪失本自有之現在性命也已

二問曰古云水源清濁要分別敢求指示如何分別答曰水喻真精清即先天濁屬後天源者精炁之所由以生者也此仙聖示人分別至切要之語奈何世人妄解聖言罔誣後學

仙聖之言垂世必世人得受仙度者而後悟解始真若凡夫但聞凡夫之教甚至不受凡教而徒然看妄人之妄註而亦

爲妄精妄解聖言自稱能悟得悟不顧欺誑害人而以迷指迷徧古今也

若不向源字上用辨只於清濁字勞心謂後天中以無形之精爲清以有形之精爲濁

元精只是無形元炁不可以形辨可形辨者後天既爲後天又爲後天之神所宰雖未見形亦已耗散不得復元若精不合淫念淫事必不至於有形及至有形則中之真炁已爲淫事耗盡矣是邪門外道所言而仙道必不以如此爲辨嗚呼此地獄中種子之說也

凡言有形無形者必是以淫媾爲辨淫敗炁耗古聖言炁盡

道藏輯要

仙佛合宗語錄

卷之十一 畢集一

則死故爲地獄中種子也仙聖因元炁之生人故教人鍊住元炁令人長生不死

殊不知先天元精由靜極而自動炁至足而源至清卽謂真藥物矣

靜而動是天地循環自然之機仙道亦如之不是人心念妄所動者故曰自動 元始天尊說得道了身經云不識動靜真機不達真常全真妙理如何得道成真 此問水源清濁辦法與上章問中事同理同而問異故兩答之各有詳略亦互爲發明

而元神靈覺卽能合和是謂以覺合覺隨而採取隨而烹鍊不

作世緣念想用工一刻卽長一刻之黃芽而金丹可就仙道可冀

元精元炁有覺而元神亦有同覺卽得時至神知之妙以兩所覺而配合故云覺合覺如一夫一婦始終不相離也 許旌陽云內交真炁存呼吸 俞玉吾云真機妙處在杳冥之內冬至之時必先閉塞其兌澄心守默使金與汞同歸於爐中如日月合璧則神凝氣聚金液乃結倘忘其緘默任重樓浩浩而出則自取傷敗也 本註云用工者卽採取配合烹鍊之工也一刻者卽一小周天火候也黃芽者卽神炁內鍊所成之真炁也 純陽仙翁問曰何爲黃芽鍾離真人云真

道藏輯要

仙佛合宗語錄

九

畢集一

龍真虎是也龍乃陽龍出在離宮真水之內虎乃陰虎出在坎宮陰火之中 本註云金丹者金液還丹也卽元神煉元精所成之靈炁又曰黃芽曰大藥所以服食者服之而結胎養神神定而全卽是仙成金丹成時是命住神得定是性住故曰金丹就仙可冀言必成仙也 若念想塵緣擬議習染而後精因之以生則純是後天思慮之神所致此源濁者之不可用以其真炁不足不產黃芽而有生必有死之決然者也

世人口稱學道而妄想凡情愛慾者多矣情慾有動則精必生此精之生不以靜而內生唯于身外偶生故靜篤之真炁

不足而源濁不可用以內修者故廣成子云毋搖汝精精竭則少而漸竭無以還丹故陳真人云精少則還丹不成是也若此者皆因塵緣習染淫慾未斷皆凡夫事猶在欲界最下處與有生死凡夫同類故與凡夫同必死者

或有水雖自靜而動而源亦清矣其元神靈覺雖覺而不能真覺依然墮于塵緣習染轉爲後天思慮之神所攝則不復爲清真而妄用其採取烹煉亦無成聖果之理

南岳魏夫人云若抱淫慾之心行上真之道者清宮落名生籍被考於三官也宗道者貴無邪棲真者貴恬愉 白玉蟾云學仙非爲難出塵離慾爲甚難 王玉陽真人云隨情流

道藏輯要

仙佛合宗語錄

十

畢集一

轉定落空亡更道難成功難就業難富

於此辨得源字真藥斯真矣

水源卽是藥源清真是藥清真源濁不清真是藥濁不清真長生仙道必分別源字爲要

又問水之清濁何關神之清濁答曰靜定之中神炁如一皆靜也如是靜亦神炁一動亦神炁一古云時至神知卽神炁同動是也

學者不知神清是不著妄念隨水源皆清是聖種神濁是水源著妄而濁卽皆濁是凡夫輪迴種故仙聖教人辨此爲至急 靈寶大乘妙法蓮華真經云性者靜也炁者動也動靜

一如非至人安能措心于此 廣成子云靜則靜于神意動則動于神機

動而外馳逐妄則爲二動而不妄馳猶然合一非真清之同而何元神一馳烝亦馳元神一染精烝亦耗非濁之同而何

動而爲二者神固有不知攝氣歸根者爲二也或有不遇本根之對境散漫馳于六根之別境亦爲二也 俞玉吾云金火要同爐在人一念返還耳此清同合一者皆如是仙道之當然反是則根塵相觸而不能返還此濁同合一者亦如是卽元始天尊得道了身經云意定神全水源清意動神行水源濁之說也陳虛白云心動則神不入烝身動則烝不入神故我

道藏輯要

仙佛合宗語錄

上

畢集一  
X6X

邱祖真人亦有心地下工全拋世事之旨在也楞嚴經亦云塵既不緣根無所偶反流全一六用不行是也

此四條皆結證上文神烝靜動合一不合一之旨仙佛同然者而禪宗人又言動念卽乖者亦是此意按丘祖教人心地上用工卽照而寂寂而照之意明心見性也禪心無想禪性無生正與世事大相反者法尙應捨而世事必拋也拋至無生便是性地按楞嚴所言塵者是外來六塵之事與物也緣者相依著之意根者眼耳鼻舌身意六根也偶者根與塵相對也言心不著於外塵則不使眼根用見與外色塵對偶不使耳根用聞與外聲塵對偶之類反流者逆流之水故洞山

和尚言洞水逆流卽仙家返還真一之水意真一之流得反則命根斷性獨明靈六根之用皆不用則心地之工成而得證此

又問曰辨清何爲答曰清炁者天之本體欲爲天仙必以清炁同於天之本體而後能與天合德所以純陽仙翁云煉藥方可昇仙譚長真仙翁水雲集云今生若要登雲路不合虛無不能仙

此言得同天之清炁卽可必證天仙

若有一毫形不能妙則同于重濁之地體而止合於地德止證得地仙而已矣

道藏輯要

仙佛合宗語錄

三

畢集一  
川名川

地仙不能離于地故名地仙

所以純陽仙翁云煉形止于住世

可得百千萬億歲壽不能昇於天者

有志于修天仙者不得不辨之尋向上去

三問曰古云鍊精者鍊元精非交感之精未審元精未及鍊者亦成形似交感之精否抑止於元精而不至似交感之精否請詳之答曰精一也有元精淫精之異名者是由主宰之者而致有異也豈自異哉然元精在身中靜篤時無形之精也卽元炁卽先天

廣成子答黃帝云至道之精杳杳冥冥是也